



Seksyon syndicale CGTR GROUPAMA O.I.
Cqtrgroupama@laposte.net

Sin Pièr, lo 8 septanb 2010

Misyé Bernard VEBER
Direktèr Général de GROUPAMA OI
7 rue André Lardy - B.P. 103
97438 Sainte-Marie

Objet : Santé travayèr.

Oté Direktèr,

Not syndika i écri a ou a koz nou lé trakasé po lo santé ban travayèr Groupama akoz zot lé konfronté lo réalité lékonomi not ti péi (kriz aleraktyèl). Sigmarun, bann konkurens, aprésa lo tèknik po vand plus ek présyon ek stress y ral travayèr lasirans dan larlik ek difikilté.

Dopi komité d'lantrepriz 19/08 nou la di a ou lékonomi not ti péi lentrin bwar-bouyon (PIB i tomb, i mèt travayèr déor, BTP lé langèté, CAILLE i étouf, ...) ek sa lo kriz i reskab aminn travayèr lasirans Groupama dan bèzman. Eksa lo Direktèr i okip travayèr la di lu sa fé larzan ek lékonomi su not do.

Ester nou ve konèt ko sa lantrepriz i sa fé ek ko sa i mèt an plas po sort dan difikilé ...

Aster fas lo kriz ban travayèr lasirans Groupama i di a nou zot lé trakasé akoz zot y bwar-lo-bénit po arivé ek lo cible patron, akoz lo grav ogmantasyon présyon ek stress.

Kom si na pa sé, dopi la rantré, le kozeman komercial la fini vir la mok. Direktèr komercial i mèt in présyon bandé su le bann RDM ek RDS é zot i giny pa fèr otremant ke ogmanté sa su zot lékipe.

Ester koseman direktèr Komercial dan bann rényon Sektèr/Marsé i mèt a nou bandé, san donn lo liste, nou va donn un ti pe légzamp la arriv not zorèy:

« Bann RDM ou RDS i doi trap lo dernié é totoch a lu po fé in bon légzamp... » ;

« Zot sé responsab, zot i doi donn zavertiseman ek kouryé ... » ;

« Lantrepriz i doi fé zékonomi su lé dépans, i ramplas pu saki sava, ek sa i fo débarass a nou sak lé mové ... » ;

« zot sé managèr, pa lo kamarad ... » ;

« Na in bann i croi zot kom fonksyonèr, fé in fason i zange ... »



Ban RDM é RDS i kri lassasin, la pa zot lotèr, na lontan zot lé pu ékouté é ke bann direktèr i ral a zot dan larlik, eksa i fé manière ke zot i tir a zot dan pat.

Lo ti travayèr ek sak lé anlèr lé amaré dan in zafèr komercial doub-cot ki fé ke :

- Tou le ban RDM ek RDS néna le minm koseman, zot i ve sèlman fé rent larzan ansanm zot manyèr pèz atèr san prann lèr ek nou ek sa zot lé entrinn mont travayèr ant zot é bordé lo kolektif
- Zaktivité lé calibré, planifyé, san pouvwar réspiré ni lès plas zimprévi, i kalkil a ou po in robo
- In plan d' mars kantitatif, déroulé é louké an semènn, vwar tou lé zour par lo RDM / RDS san don koudmin. Na rienk zobjektif ek lo kantité i cont dan bann zentretien, é a ou fé ensemb.

Lo zafèr komercial doub-cot i resemb in teknik ke ban zorèy la testé é ke zot i apel OPC (Optimisation de la Performance Commerciale). Zafèr la lé en test dan péi-la-fré mé la zamé di i aplik sa dan no ti-péi.

Eksa, oubli pa gras lo travayèr, not lantrepriz lasurans la pu mèt an lèr le zafèr Sigmarun é ke aster lu chanz not manyèr travay. Nou té oblizé fé avek, akoz zot nou la pa pri le tan po esplik a nou sak nou vand. La pri zust lo tan po esplik a nou koman i fé mars lordinatèr. Ke not tout la mèt ensemb po fé mars lo Sigmarun ...

Tou le tan nou la pri po fé mars Sigmarun la fé diminyé lo vant lantrepriz. Nou kompran pa pokwé lo direktèr lo vant i ferm-lo-zyé, i oubli tousa, é dan lo kriz aleraktyèl li demand a nou fé lo travay lané su le ti-gigine tan i rest.

An minm tan zot zafèr komercial i fo gèr lo kanpan po la santé, lo ban kliyan i pass ...

Anfinnkont nou lékonomi i pran bèzman, lo konkurens lé partou (lasurans la réunyon, lasurans péi-déor, kourtié Groupama ...), lo tan la perd po Sigmarun, ... zot vizyon komercial su lo kantité, zot manière komandé basé su lo présyon ek stress i risk mèt an danzé lo santé travayèr lassurans groupama.

Zot la oublié fanaz lo PEP'S, zintervention CHSCT, lo kabiné Emergences ek l'ARVISE ? kan sa zot it kont fé in ka é mèt an plas lo plan zaction su lo « Santé travayèr » cont bann risk psykosocio ?

Taktik aktuèl i donn a nou traka, é lé de not devwar tir lo sonèt lalarme avan lé tro tar !

Mé lé osi not devwar protéz lo santé mantal ek fisik travayèr !



Direktèr, nou demand a ou agir vitman é nou rapèl a ou ke no zélu va mèt tout-lo-total-lo-kapital po fé respekt lo zustis é dénonce lo ban ka soufrans o travay dan Groupama.

Misyé lo Direktèr Général, Astèr nou espèr giny répons, orowwar.

**Po lo seksion syndical CGTR GROUPAMA O.I.
Lo délégué syndical
Vincent PAYET**

Kopi po :

- Inspektèr lo Travay
- Doktèr lo Travay
- CHSCT
- Syndika ek zélu

A handwritten signature in black ink, appearing to read 'Vincent Payet', with several large, overlapping loops and strokes.